

Guangjshih Minzcuz Bau

ganhhau: CN45-0036 B.2019 Nd.2 Ng.27 liggaeuq geijhah nienz ndwencieng ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3363期

Bi 2019 Namzningz Si "Song Hoih" Hai Sat Hoihbiu Baez Nduj Caez Yungh Cuengh Gun Song Cungj Saw

Bi 2019 dwg Cunghvaz Yinzminz Gunghozgoz laebbaenz 70 hopbi caeuq Yinzminz Cwnghez laebbaenz 70 hopbi, dwg bi youqgaenj cienzmienh hwnqguh baenz aenbiengz siujgangh, saedyienh aen moegbiu haenqguh bak bi daih' it, dwg bi daih' it cienzmienh doeksaed gij canloz ak soufuj, doengzseiz hix dwg 《Aen Diuzlaeh Hong Saw Vah Minzcuz Vunzniox Guengjsae》 henzgguh ndaej hopbi ndeu. Bi 2019 Namzningz Si "song hoih" —Hoihhung Daihyauj Yinzminz Gaiq Daihcieiq Namzningz Si Aenhoih Baez Daihcieiq, Aenhoih Cungguk Yinzminz Cwngci Hezsangh Aenhoih Baez Daihcieiq Gaiq Daihciei— it Namzningz Si Veijyenzvei youq ndwen 2 ngoenz 14 daengz ngoenz 18 youq Namzningz swnhleih hai sat, hoihbiu "song hoih" baez nduj caez yungh Cuengh Gun song cungj saw, ndaej daengz baux yinzda daihyauj

caeuq cwnghez veijyenz camgya hai hoih, caeuq ganbu ginzung gak cuz daengx si haenhndei.

Ciengzgeiz doxdaeuj, Namzningz Si yinzda, cwnghez gig yawjnaek hong minzcuz caeuq minzcuz vunzniox, gig gvansim caeuq hauejcoengh hong saw vah minzcuz. Bi 2015, Namzningz Si Yinzda Cangzveijvei dawz guenleix ndawbiengz yungh Sawcuengh dingh baenz aen hanghmoeg nienzdoh fapgi deihsuengsingq laebfap diuyenz, Namzningz Si Yinzda Cangzveijvei Minzcuz Vazgyauz Cunghgyau Veijyenzvei, Si Minzcunghveij, Si Fazciban, Si Minzyijveij mizgven bouxfucwz gapbaenz cujdiuyenz bae Yinznanz, Gveicouh diuyenz damqcaz hong laebfap saw vah minzcuz, yae dawz cwngfuj gveicangh 《Banhfap Guenleix Ndawbiengz Yungh Sawcuengh Namzningz Si》 seizneix henzgguh haenx

hwnjswng baenz fapgi deihsuengsingq, dinghmingz caeuq gveihfan gij gvaengxlaengx, gveihfan yungh Sawcuengh Vahcuengh, cungfaen fatok gij cozyung cawjdaej si cwnghez cangzveij caeuq veijyenz, gaemdawz caeuq roxyiuj gij cingzgvang doihengz yungh Sawcuengh daengx si caeuq gij hojnanz caeuq vwndiz henzgguh 《Banhfap Guenleix Ndawbiengz Yungh Sawcuengh Namzningz Si》 bungz daengz haenx, vih gvancez doeksaed gij cwngcwz saw vah minzcuz vunzniox, cauhlaeb gij ndwenngoenz vahgangj lai cungj vah huzndei, doicaenh gij saehnieb minzcuz doxgiet cinbu okrengz. Bi 2017, Namzningz Si Yinzda Cangzveijvei aeu 《Banhfap Guenleix Ndawbiengz Yungh Sawcuengh Namzningz Si》 liedhaej Namzningz Si haj bi coglaeng deihsuengsingq laebfap gviveh.

(Veiz Yinjsenz)

SIUSIK DINJ

● Ndwen 2 ngoenz 15 daengz ngoenz 16, Denhngoz Yen Luzbaiz Cin Nazdung Cunh banh ciet vwnzva minzsuz goepgvej Bouxcuengh Dahhoengz bi gvaq mbat haenx. Vunzlai Bouxcuengh dangdieg dawz goepgvej dangguh saenz daeuj caeq, nyinhnaeuz goepgvej ndaej guenj fwn rumz byaj, doenggvaq banh ngoenzciet caeq saenz maqmuengh fwn yinz rumz swnh, haeuxgwn fungsou, hawj daengx ranz doxndei an'onj.

(Yangz Vaizyij)

● Mboengqneix, Bingzgoj Yen Veigigiz cujiz gak danvih ywbingh haiguh hong senhconz gyauyuz caeuq baizcaz yawhfuengz yizyangvadan dengdoeg, bouxguhong ganggej gij yienzaen, sienghah, yienghbingh yizyangjvadan dengdoeg hawj vunzlai, caemhcaiq son gouqgip dem, maedsaed gyagiengz gij ancienz yisiz vunzlai.

(Vangz Danh)

● Mboengqneix, baux senhconz Aen Doih Gouqbang Miedfeiz Denzlinz Yen bae daengz camhcie yinhhek ndaw yienh, dawz fuengz feiz cihsiz manva, ceksa senhconz miedfeiz, fapldw fapgi miedfeiz daengj swliu senhconz fat hawj bauxhek caeuq bauxguhong camhcie, caemhcaiq naihsim ganggej gij ciengz sik ndaw ranz fuengz feiz, gij dinfwngz fuengz feiz mied feiz caeuq gij fap yungh deng doxgaiq miedfeiz daengj hawj caezgya.

(Leiz Bingz)

● Ndwen 2 ngoenz 18 banhaemh, Hozciz Si Ginhcwngzgyangh Gih banh aen vanjvei lienzvuen vunzlai cieng cibngux bi 2019, vanjvei biujyienj neiyungz lai, miz ciengqgo, siujbinj, diuqfoux daengj, yungh gij fuengsik vwnzyi lienzvuen, caux ok le gij heiqaenh ngoenzciet angqyangz huzndei, hawj vunzlai ndaej roxnyinh vuenyungz, hix vih Ginhcwngzgyangh Gih vut gungz gunggeng daengj gak hangh saehnieb gyalai le cingsaenz doenghlig.

(Yangz Denhyij)



Yungzsuij:

"Hawxsij" Mbaet Cazein

Ndwen 2 ngoenz 19 dwg "hawxsij" ngeihcieb seiq aen ciethaiq, Liujcuh Si Yungzsuij Myauzcuz Swciyen Anhdai Yangh Gyanghcu Cunh banh aen yizsi haindu mbaet cazein, gyoengq mehmbwk Myauzcuz guhdoh haeu suencaz bae ciengj mbaet caz "hawxsij" seizcin, dawz gij hei q seizcin doenggvaq lwgfwnz cien okdaej. Gij caz yungh mbawcaz oiq "hawxsij" gonqlaeng geij ngoenz cauj baenz haenx heuhguh caz "hawxsij" seizcin, dwg mbawcaz daengx bi binjaet cieq ndei. Ndaw doz dwg geij baux mehmbwk Myauzcuz cingq mbaet caz.

(Lungz Linzei/龙林智)

Dungzloz Myauzcuz Yangh Haiguh Vwnzyi Hozdung Coicaenh Minzcuz Doxgiet

Mboengqneix, Sanhgyangh Dungcuz Swciyen Dungzloz Myauzcuz Yangh Gauhvuj Cunh banh "fatyienz minzcuz vwnzva • coicaenh minzcuz doxgiet • bangrengz vut gungz gunggeng" bek-singq senhgyangj hozdung, baengh vwnzyi comzyienj hingz sik, netsaed haiguh gangj gij cwngcwz minzcuz doxgiet cinbu, coicaenh minzcuz yangh onjdingh huzndei hwnqfat.

Vwnzyi biujyienj yienhciegz, cezmuz neiyungz fungfouq, diuqfoux, ciengqgo, dohyeh daengj cezmuz ndeiawj doxlwnz hwnj daiz yienj, ndaej daengz bouxyawj haenh.

Hozdung lij laeb le gangj cihsiz lijjun, cienmonz ganggej gij cwngcwz vut gungz gunggeng, gajnde dinyouz-

caz, ancienz fuengz feiz aenmbanj daengj mizgven cwngcwz cihsiz, yungh gij hingz sik yienhciegz hoizdap, saedyienh doxdoeng ndei raeuh, hawj gyoengq vunzlai roxyiuj vut gungz gunggeng, gajnde dinyouzcaz daengj gak hangh cwngcwz leih beksingq. Doengzseiz laeb aen daiz camcaz cihsiz minzcuz doxgiet, fat gij swliu senhconz hawj vunzlai daeuj caeuqfaenh hozdung haenx, hawj gij swliu senhconz minzcuz doxgiet cien haeu ranz beksingq bae, hawj minzcuz cwngcwz caeuq fapldw fapgi cihsiz haeu laeg simvunz, yungzhaej ndwenngoenz guhhong ngoenznaengz bae, coicaenh gak hangh minzcuz doxgiet caezyouq, caezcauh ndawbiengz onjdingh huz-

ndei.

Lai bi doxdaeuj, Dungzloz Myauzcuz Yangh cienzmienh gvancez doeksaed gij minzcuz cwngcwz dangj, hawj gij gvanhaeh minzcuz yienghmoq sevei cuji bingzdaengj, doxgiet, doxbang, huzndei mboujduenh gyamaenh caeuq hwnqfat. Bi 2018, aen yangh neix haiguh lai gvaengxlaengx, lai caengz, lai yiengh doxlien cingzgeih caezcauh hozdung, dingjmaenh gij guhhong lohnaemj "byaij okbae: Giemhaw hag senhcin diemhingz, daiq haeujma: Giethab saedsaeh, lingzvued hag yungh", laebdaeb dawz "gylaeg minzcuz doxgiet, caezcauh Mbanjmyauz huzndei" yungzhaej ngoenznaengz guhhong bae.

(Vuz Gozcungh)